

左  
氏  
條  
貫

左氏條貫卷十二

長洲曹 基德培編次

門人張

兼念凌 典懷鞠 叅訂

晉

晉靈公

六年文公晉襄公卒靈公少晉人以難故欲立長君趙孟曰

立公子雍

文公子襄公庶弟杜祁之子

好善而長先君愛之且近于

秦秦舊好也置善則國事長則順立愛則孝結舊則安

為難故故欲立長君有此四德者難必抒矣賈季曰不

如立公子樂辰懷公嬖于二君

文公

立其子民必安之

趙孟曰辰羸賤班在九人其子何震之有且為二嬖淫

六年冬晉殺  
其大夫陽處  
父

也。爲先君子不能求大而出在小國。辟也。毋淫子辟。無  
威陳小而遠。無援將何安焉。杜祁以君故讓偪姑而上  
之以狄故。讓季隗而已。次之。故班在四。先君是以愛其  
子而仕諸秦。爲亞卿焉。秦大而近。足以爲援。母義子愛。  
足以威民。立之不亦可乎。賈季怨陽子之易其班也。  
本中軍帥而知其無援于晉也。九月賈季使續鞠居殺  
陽處父。書曰晉殺其大夫侵官也。

穀梁子曰。稱國以殺。罪累上也。襄公已葬。其以累上  
之辭言之。何君漏言也。上泄則下闇。下闇則上聾。且

聞且聾。無以相通。射姑殺者也。射姑之殺奈何。曰。晉將與狄戰。使狐射姑爲將軍。趙盾佐之。陽處父曰。不可。古者君之使臣也。使仁者佐賢者。不使賢者佐仁者。今趙盾賢。射姑仁。其不可乎。襄公曰。諾。謂射姑曰。吾始使盾佐女。今女佐盾矣。射姑曰。敬諾。襄公死。處父主竟上事。射姑使人殺之。君漏言也。故士造辟而言。詭辭而出。曰。用我則可。不用我則無亂其德。

晉殺續簡伯

居鞠

賈季奔狄。宣子使與駢送其帑。

妻夷之

蒐賈季戮也。

罰

與駢與駢之人欲盡殺賈氏以報焉。與駢

曰不可。吾聞前志有之曰：敵惠敵怨，不在後嗣。忠之道也。夫子禮于賈季，我以寵報私怨，毋乃不可乎？介人之寵，非勇也；損怨益仇，非知也；以私害公，非忠也。釋此三者，何以事夫子？盡具其幣，與其器用財賄，親帥扞之，送致諸竟。

文公七年

秦康公送公子雍于晉，曰：文公之入也，

無衛故有呂卻之難，乃多與之徒衛。

穆嬴，襄公夫人，日

抱太子以啼于朝，曰：先君何罪？其嗣亦何罪？舍適嗣不

立而外求君，將焉寘此？出朝，則抱以適趙氏，頓首于宣

子曰：先君奉此子也而屬諸子，曰：此子也才。吾受子之

賜不才。吾唯子之怨。今君雖終言猶在耳而弃之。若何。

宣子與諸大夫皆患穆嬴且畏偁乃背先蔑

時使蔑逆子雍

而

立靈公以禦秦師箕鄭居守趙盾將中軍先克佐之荀

林父佐上軍先蔑將下軍先都佐之步招御戎戎津爲

右及董陰宣子曰我若受秦秦則賓也不受寇也既不

受矣而復緩師秦將生心先人有奪人之心軍之善謀

也逐寇如追逃軍之善政也訓卒利兵秣馬蓐食潛師

夜起戊子敗秦師于令狐至于刳首己丑先蔑

士伯

奔秦

士會

隨季

從之先蔑之使也荀林父止之曰夫人犬子猶

在而外求君。此必不行。子以疾辭。若何不然。將及攝卿。以往可也。何必子同官爲寮。吾嘗同寮。敢不盡心乎。弗聽。爲賦板之三章。又弗聽。及亡。荀伯父林盡送其帑及其器。用財賄于秦。曰。爲同寮故也。士會在秦。三年不見。士伯先蔑其人曰。能亡人于國。不能見于此焉。用之士季曰。吾與之同罪。非義之也。將何見焉。及歸。遂不見。狄侵我西鄙。公使告于晉。趙宣子使因賈季問鄆舒。狄相且讓之。鄆舒問于賈季。曰。趙衰趙盾孰賢。對曰。趙衰冬日之日也。趙盾夏日之日也。

文公十三年 晉人患秦之用士會

也。夏六卿相見于諸浮。趙宣子曰：隨會士在秦，賈季在

狄，難日至矣。若之何？中行桓子荀林父曰：請復賈季，能外

事且由舊勲。狐郤成子郤曰：賈季亂且罪大，不如隨會。

能賤而有恥，柔而不犯，其知足使也。且無罪，乃使魏壽

餘偽以魏叛者，以誘士會，執其帑于晉，使夜逸，請自歸

于秦。秦伯許之，履士會之足于朝。使之秦伯師于河曲，

魏人在東。壽餘曰：請東人之能與夫二三有司言者。吾

與之先。使士會，士會辭曰：晉人虎狼也。若背其言，臣死。

妻子爲僇，無益于君，不可悔也。秦伯曰：若背其言，所不

...



歸爾帑者有如河乃行繞朝秦大贈之以策曰子無謂

秦無人吾謀適不用也示已覺既濟魏人譟而還喜得

秦人歸其帑其處者為劉氏宣公晉靈公不君厚斂

以彫牆從臺上彈人而觀其辟丸也宰夫胹熊蹯不熟

殺之寘諸畚使婦人載以過朝趙盾士季士會見其手問

其故而患之將諫士季曰諫而不入則莫之繼也會請

先不入則子繼之三進及溜中而後視之曰吾知所過

矣將改之稽首而對曰人誰無過過而能改善莫大焉

詩曰靡不有初鮮克有終夫如是則能補過者鮮矣君

能有終則社稷之固也。豈唯羣臣賴之。又曰。衰職有關。惟仲山甫補之。能補過也。君能補過。衰不廢矣。猶不改。宣子驟諫。公患之。使鉏麇賊之。晨往寢門。關矣。盛服將朝。尚早坐而假寐。麇退。歎而言曰。不忘恭敬。民之主也。賊民之主。不忠。弃君之命。不信。有一于此。不如死也。觸槐而死。秋九月。晉侯飲趙盾酒。伏甲將攻之。其右提彌明知之。趨登曰。臣侍君宴。過三爵。非禮也。遂扶以下。公嗾夫獒焉。明搏而殺之。盾曰。弃人用犬。雖猛何爲。鬬且出。提彌明死之。初。宣子田于首山。舍于翳桑。見靈輒餓。

問其病曰不食三日矣食之舍其半問之曰宦

游學三年

矣未知母之存否今近焉請以遺之使盡之而爲之簞

食與肉寘諸橐以與之旣而與爲公介倒戟以禦公徒

而免之問何故對曰翳桑之餓人也問其名居不告而

退遂自亡也乙丑趙穿攻靈公于桃園宣子未出山而

復犬史書曰趙盾弑其君以示于朝宣子曰不然對曰

子爲正卿亡不越竟反不討賊非子而誰宣子曰烏呼

我之懷矣自詒伊慼其我之謂矣孔子曰董狐古之良

史也書法不隱趙宣子古之良大夫也爲法受惡惜也

秋九月乙丑  
晉趙盾弑其  
君夷臯

越竟乃免。宣子使趙穿逆公子黑臀于周而立之。壬申，朝于武宮。

穀梁子曰：穿弑也，盾不弑而曰盾弑，何也？以罪盾也。其以罪盾何也？曰：靈公朝諸大夫而暴彈之，觀其辟丸也。趙盾入諫，不聽，出亡至于郊。趙穿弑公而後反。趙盾史狐書賊曰：趙盾弑公。盾曰：天乎！天乎！予無罪。孰爲盾而忍弑其君者乎？史狐曰：子爲正卿，入諫不聽，出亡不遠，君弑反不討賊，則志同志同，則書重，非子而誰故？書之曰：晉趙盾弑其君夷臯者，過在下也。

六年春晉趙盾弒君免使

曰于盾也。見忠臣之至于許世子止。見孝子之至。公羊子曰。趙盾弒君。此其復見何。親弒君者趙穿也。親弒君者趙穿。則曷爲加之趙盾。不討賊也。何以謂之不討賊。晉史書賊曰。晉趙盾弒其君夷臯。趙盾曰。天乎無辜。吾不弒君。誰謂吾弒君者乎。史曰。爾爲仁爲義。人弒爾君而復國。不討賊。此非弒君而何。趙盾之復國。奈何。靈公爲無道。使諸大夫皆內朝。然後處乎臺上。引彈而彈之。已趨而辟。九是樂而已矣。趙盾已朝而出。與諸大夫立于朝。有人荷畚自閨而出者。

趙盾曰。彼何也。夫舂曷爲出乎閭。呼之不至。曰。子大夫也。欲視之。則就而視之。趙盾就而視之。則赫然死人也。趙盾曰。是何也。曰。膳宰也。熊蹯不熟。公怒。以斗拏而殺之。支解將使我奔之。趙盾曰。嘻。趨而入。靈公望見趙盾。愬而再拜。趙盾逡巡北而再拜稽首。趨而出。靈公心忤焉。欲殺之。于是使勇士某者往殺之。勇士入其大門。則無人。門焉者。入其閭。則無人。闔焉者。上其堂。則無人焉。俯而闔其戶。方食魚餐。勇士曰。嘻。子誠仁人也。吾入子之大門。則無人焉。入子之閭。則

無人焉。上子之堂。則無人焉。是子之易也。子爲晉國  
重卿而食魚餐。是子之儉也。君將使我殺子。吾不忍  
殺子也。雖然。吾亦不可復見吾君矣。遂刎頸而死。靈  
公聞之。怒滋。欲殺之甚。衆莫可使往者。于是伏甲于  
宮中。召趙盾而食之。趙盾之車右祁彌明者。國之力  
士也。佗然從乎趙盾而入。放乎堂下而立。趙盾已食。  
靈公謂盾曰。吾聞子之劒。蓋利劒也。子以示我。吾將  
觀焉。趙盾起。將進劒。祁彌明自下呼之曰。盾食飽。則  
出何故拔劒于君所。趙盾知之。蹶階而走。靈公有周。

狗謂之獒。呼獒而屬之。獒亦踞階而從之。祁彌明逆而踐之。絕其領。趙盾顧曰。君之獒不若臣之獒也。然而宮中甲鼓而起。有起于甲中者。抱趙盾而乘之。趙盾顧曰。吾何以得此。于子曰。子某時所食。活我于暴桑下者也。趙盾曰。子名爲誰。曰。吾君孰爲介子之乘矣。何問吾名。趙盾驅而出。衆無留之者。趙穿緣民衆不說。起弑靈公。然後逆趙盾而入。與之立于朝而立。成公黑臀。

初驪姬之亂。詛

晉也。

無裔羣公子自是晉無公族。及成公



晉景公  
夏六月乙卯  
晉荀林父帥  
師及楚子戰  
于邲晉師敗  
績

卽位乃宦卿之適子而爲之田以爲公族又宦其餘子

適子亦爲餘子其庶子妻之爲公行晉于是有公族餘

子公行皆官名趙盾請以括爲公族曰君姬氏之愛子也

微君姬氏則臣狄人也公許之冬趙盾爲旄車之族使

屏季括以其故族爲公族大夫宣公八年白狄及晉平夏

會晉伐秦晉人獲秦謀探事者殺諸絳市六日而蘇宣公

十二年夏六月晉師救鄭荀林父將中軍先穀義季佐之士會

將上軍卻克佐之趙朔將下軍欒書佐之趙括趙嬰齊

爲中軍大夫鞏朔韓穿爲上軍大夫荀首趙同爲下軍

大夫韓厥爲司馬及河間鄭既及楚平桓子林父欲還曰

無及于鄭而勦民焉用之楚歸而動不後隨武子士會曰

善會聞用師觀釁而動德刑政事典禮不易不可敵也

不爲是征楚軍討鄭怒其貳而哀其卑叛而伐之服而

舍之德刑成矣伐叛刑也柔服德也二者立矣昔歲入

陳今茲入鄭民不罷勞君無怨讟政有經矣荆尸陳名而

舉商農工賈不敗其業而卒乘輯睦事不奸矣孫叔敖

爲宰擇楚國之令典軍行右轅左追蓐前茅旌旛慮無

中權主謀後勁百官象物而動軍政不戒而備能用典矣

其君之舉也。內姓選于親。外姓選于舊。舉不失德。賞不失勞。老有加惠。旅有施舍。君子小人。物有服章。貴有常尊。賤有等威。禮不逆矣。德立。刑行。政成。事時。典從。禮順。若之何敵之。見可而進。知難而退。軍之善政也。兼弱攻昧。武之善經也。子姑整軍而經武乎。猶有弱而昧者。何必楚仲虺有言曰。取亂侮亡。兼弱也。洵曰。於鑠王師。遵養時晦。耆昧也。武曰。無競惟烈。撫弱耆昧。以務烈所可也。彘子穀先曰。不可。晉所以霸。師武臣力也。今失諸侯。不可謂力。有敵而不從。不可謂武。由我失霸。不如死。且成。

師以出。聞敵強而退。非夫也。命爲軍帥而卒以非夫。唯  
羣子能我弗爲也。以中軍佐濟。知莊子荀曰。此師殆哉。  
周易有之。在師之臨曰。師出以律。否臧凶。執事順成爲  
臧。逆爲否。衆散爲弱。川壅爲澤。有律以如已也。故曰律。  
否臧且律竭也。盈而以竭。天且不整。所以凶也不行之  
謂臨。有帥而不從。臨孰甚焉。此之謂矣。果遇必敗。彘子  
尸也。主之雖免而歸。必有大咎。韓獻子厥謂桓子曰。彘子  
以偏師陷。子罪大矣。子爲元帥。師不用命。誰之罪也。失  
屬亡師爲罪已重。不如進也。事之不捷。惡有所分。與其

專罪六人同之不猶愈乎師遂濟楚子莊北師次于鄧

沈尹將中軍子重將左子反將右將飲馬于河而歸聞

晉師既濟王欲還嬖人伍參欲戰令尹孫叔敖弗欲曰

昔歲入陳今茲入鄭不無事矣戰而不捷參之食其足

食乎參曰若事之捷孫叔爲無謀矣不捷參之肉將在

晉軍可得食乎令尹南轅反旆伍參言于王曰晉之從

政者新未能行令其佐先穀剛愎不仁未肯用命其三

帥者專行不獲聽而無上衆誰適從此行也晉師必敗

且君而逃臣若社稷何王病之告令尹改乘轅而北之

次于管以待之。晉師在敖部山之間。鄭皇戌使如晉師。曰：鄭之從楚，社稷之故也。未有貳心。楚師驟勝而驕，其師老矣，而不設備。子擊之。鄭師爲承。楚師必敗。彘子曰：敗楚服鄭，于此在矣。必許之。欒武子樂書曰：楚自克庸以來，其君無日不討國人而訓之于民生之不易，禍至之無日，戒懼之不可以怠。在軍無日不討軍實而申儆之于勝之不可保，紂之百克而卒無後，訓之以若敖蚡冒，筮路籃縷以啓山林，箴之曰：民生在勤，勤則不匱，不可謂驕。先大夫子犯有言曰：師直爲壯，曲爲老。我則不德。

而微怨于楚。我曲。楚直。不可謂老其君之戎。分爲二廣。

廣有一卒。卒偏之兩。十五乘爲一廣。司馬法百人爲卒。二十五人爲兩。車五十乘爲大偏。

今廣十五乘亦用舊偏法。復用二十五人爲承副。右廣初駕數。及日中。左則受

之以至于昏。內官序當其夜。以待不虞。不可謂無備。子

良。鄭之良也。師叔楚之崇也。師叔入盟。子良在楚。楚鄭

親矣。來勸我戰。我克則來。不克遂往。以我卜也。鄭不可

從。趙括趙同曰。率師以來。唯敵是求。克敵得屬。又何俟。

必從。彘子知季。卽莊子。曰。原。趙同。屏。趙括。咎。指彘子。之徒也。趙莊

子。趙朔。曰。欒伯。武子。善哉。實其言。必長晉國。楚少宰如晉師。

曰寡君少遭閔凶不能文聞二先君

楚成王穆王

之出入此

行也將鄭是訓定豈敢求罪于晉二三子無淹久隨季

對曰昔平王命我先君文侯曰與鄭夾輔周室毋廢王

命今鄭不率寡君使羣臣問諸鄭豈敢辱候人敢拜君

命之辱莧子以爲諂使趙括從而更之曰行人失辭寡

君使羣臣遷大國之迹于鄭曰無辟敵羣臣無所逃命

楚子又使求成于晉晉人許之盟有日矣楚許伯御樂

伯攝叔爲右以致晉師許伯曰吾聞致師者御靡旌摩

壘而還樂伯曰吾聞致師者左射以蔽代御執轡御下



兩馬掉鞅而還。攝叔曰：吾聞致師者，右入壘，折馘執俘，而還，皆行其所聞而復。晉人逐之，左右角之。樂伯左射，馬而右射，人角不能進矢一而已。麋興于前，射麋麗龜也。<sup>背</sup>晉鮑癸當其後，使攝叔奉麋獻焉，曰：以歲之非時，獻禽之未至，敢膳諸從者。鮑癸止之，曰：其左善射，其右有辭，君子也。旣免，<sup>止不復逐</sup>晉魏錡求公族，未得而怒，欲敗晉師，請致師，弗許。請使許之，遂往請戰而還。楚潘黨逐之，及榮澤，見六麋，射一麋以顧獻，曰：子有軍事，獸人無乃不給于鮮，敢獻于從者。叔黨<sup>潘黨</sup>命去之。趙旃<sup>穿</sup>求卿，未

得且怒于失楚之致師者請挑戰弗許請召盟許之與  
魏錡皆命而往卻獻子克曰二憾往矣弗備必敗彘子  
曰鄭人勸戰勿敢從也楚人求成弗能好也師無成命  
多備何爲士季曰備之善若二子怒楚楚人乘我喪師  
無日矣不如備之楚之無惡除備而盟何損于好若以  
募來有備不敗且雖諸侯相見軍衛不徹警也彘子不  
可士季使鞏朔韓穿帥七覆于敖前故上軍不敗趙嬰  
齊使其徒先具舟于河故敗而先濟潘黨旣逐魏錡趙  
旃夜至于楚軍席于軍門之外使其徒入之楚子爲乘

廣三十乘分爲左右。右廣雞鳴而駕。日中而說。左則受之日入而說。許偃御右。廣養由基爲右。彭名御左。廣屈蕩爲右。乙卯。王乘左。廣以逐趙旃。趙旃弃車而走。林屈蕩搏之。得其甲裳。晉人懼。二子之怒楚師也。使輓車逆之。潘黨望其塵。使騁而告曰。晉師至矣。楚人亦懼。王之入晉軍也。遂出。陳孫叔曰。進之。寧我薄人。無人薄我。詩云。元戎十乘以先啓行。先人也。軍志曰。先人有奪人之心。薄之也。遂疾進師。車馳卒奔。乘晉軍。桓子不知所爲。鼓于軍中曰。先濟者有賞。中軍下軍爭舟。舟中之指可。

掬也。晉師右移，上軍未動。工尹齊將右拒卒以逐下軍。楚子使唐狡與蔡鳩居告唐惠侯曰：「不穀不德而貪，以遇大敵，不穀之罪也。然楚不克，君之羞也。敢藉君靈，以濟楚師。」使潘黨率游闕四十乘從唐侯以爲左拒，以從上軍。駒伯郤曰：「待諸乎？」隨季曰：「楚師方壯，若萃于我，吾師必盡。不如收而去之，分謗生民，不亦可乎？」殿其卒而退，不敗。主見右廣將從之，乘屈蕩尸也。止之曰：「君以此始，亦必以終。」自是楚之乘廣先左，晉人或以廣隊不能進，楚人憇教之，脫局少進，馬還又憇之，拔旆投衡，乃出，顧

曰吾不如大國之數奔也。趙旃以其良馬二濟其兄與

叔父以他馬反。遇敵不能去，弃車而走林。逢大夫晉人與

其二子乘，謂其二子無顧。不欲見趙旃顧曰：趙旃在後，怒之

使下，指木曰：尸女。于是授趙旃綏，以免。明日以表所指木

尸之，皆重獲在木下。楚熊負羈囚知罃，知莊子以其族

反。還戰之廚武子魏錡御下軍之士多從之。每射，抽矢，戢箭也

納諸廚。子之房箭舍廚子怒曰：非子之求而蒲之愛董澤

之蒲，可勝既乎？知季曰：不以人子，吾子其可得乎？吾不

可以苟射故也。射連尹襄老獲之，遂載其尸。射公子穀

臣囚之以二者還及昏楚師軍于邲晉之餘師不能軍宵濟亦終夜有聲丙辰楚重輜重也至于邲遂次于衡雍

潘黨曰君盍築武軍而收晉尸以爲京觀

積尸封土其上臣聞

克敵必示子孫以無忘武功楚子曰非爾所知也夫文止戈爲武武王克商作頌曰載戢干戈載櫜弓矢我求懿德肆于時夏允王保之又作武其卒章曰審定爾功其三曰鋪時繹思我徂惟求定其六曰綏萬邦屢豐年夫武禁暴戢兵保大定功安民和衆豐財者也故使子孫無忘其章今我使二國暴骨暴矣觀兵以威諸侯兵

不戢矣。暴而不戢。安能保大。猶有晉在焉。得定功。所違  
民欲猶多。民何安焉。無德而強。爭諸侯。何以和衆。利人  
之機。而安人之亂。以爲已榮。何以豐財。武有七德。我無  
一焉。何以示子孫。其爲先君宮告成事而已。武非吾功  
也。古者明王伐不敬。取其鯨鯢而封之。以爲大僇。于是  
乎有京觀。以懲淫慝。今罪無所而民皆盡忠。以死君命。  
又可以爲京觀乎。祀于河。作先君宮告成事而還。秋  
晉師歸。桓子請死。晉侯欲許之。士貞子諫曰。不可。城濮  
之役。晉師三日穀。文公猶有憂色。左右曰。有喜而憂。如

有憂而喜乎。公曰：得臣猶在，憂未歇也。困獸猶鬪，況國相乎？及楚殺子玉，公喜而後可知也。曰：莫余毒也已。是晉再克而楚再敗也。楚是以再世不競。今天或者大警晉也。而又殺林父以重楚勝，其無乃久不競乎？林父之事君也，進思盡忠，退思補過，社稷之衛也。若之何殺之？夫其敗也，如日月之食焉，何損于明？晉侯使復其位。三十

年殺

宣公十

秋，秦桓公伐晉，次于輔氏。壬午，晉侯治

先穀

五年

兵于稷，以略狄土，立黎侯而還。及雒，魏顆敗秦師于輔氏，獲杜回，秦之力人也。初，魏武子有嬖妾，無子。武子疾



命顓曰必嫁是疾病則曰必以爲殉及卒顓嫁之曰疾病則亂吾從其治也及輔氏之役顓見老人結草以亢杜回杜回躓而顛故獲之夜夢之曰余而所嫁婦人之父也爾用先人之治命余是以報

宣公十六年春晉士會

帥師滅赤狄甲氏及留吁鐸辰三月獻狄俘晉侯請于王戊申以黻冕命士會將中軍且爲大傅于是晉國之盜逃奔于秦羊舌職曰吾聞之禹稱善人不善人遠此之謂也夫詩曰戰戰兢兢如臨深淵如履薄冰善人在上也善人在上則國無幸民諺曰民之多幸國之不幸

也是無善人之謂也。

宣公十七年

春晉侯使郤克徵會于

齊。齊頃公帷婦人使觀之。郤子登婦人笑于房。獻子怒出而誓曰：「所不此報，無能涉河。」

穀梁子曰：「季孫行父禿，晉郤克眇。衛孫良父跛，曹公子手僂。同時而聘于齊，齊使禿者御禿者，使眇者御眇者，使跛者御跛者，使僂者御僂者。蕭同姪子處臺上而笑之。聞于客，客不說而去，相與立胥闕而語，移日不解。齊人有知之者曰：「齊之患必自此始矣。」

秋晉師還，范武子

士會

將老，召文子

士會

曰：「變乎？吾聞之。」

夏四月丙戌  
衛孫良夫帥  
師及齊師戰  
于新築衛師  
敗績  
六月癸酉季  
孫行父臧孫  
許叔孫僑如  
公孫嬰齊帥  
師會晉郤克

喜怒以類者鮮。易者實多。詩曰：君子如怒，亂庶遄沮。君  
子如祉，亂庶遄已。君子之喜怒，以已亂也。弗已者，必益  
之。郤子郤克其或者已亂于齊乎？不然，余懼其益之也。余  
將老，使郤子逞其志，庶有豸也。解也乎？爾從二三子，唯敬乃  
請老。郤獻子為政。成公二年孫桓子還于新築，不入。遂如  
晉，乞師。臧宣叔亦如晉，乞師。皆主郤獻子。晉侯許之。七  
百乘。郤子曰：「此城濮之賦也。有先君之明，與先大夫之  
肅，故捷克于先大夫。無能為役，請八百乘。」許之。郤克將  
中軍，士燮佐上軍，欒書將下軍，韓厥為司馬，以救魯衛。

衛孫良夫曹  
公子首及齊  
侯戰于鞌齊  
師敗績

臧宣叔逆晉師且道之季文子帥師會之及衛地韓獻  
子將斬人卻獻子馳將救之至則旣斬之矣卻子使速  
以狗告其僕曰吾以分謗也師從齊師于莘六月壬申  
師至于靡笄之下齊侯使請戰曰子以君師辱于敝邑  
不腆敝賦詰朝相見對曰晉與魯衛兄弟也來告曰大  
國朝夕釋憾于敝邑之地寡君不忍使羣臣請于大國  
無令輿師淹于君地能進不能退君無所辱命齊侯曰  
大夫之許寡人之願也若其不許亦將見也齊高固入  
晉師桀石以投人禽之而乘其車繫桑本焉以徇齊壘

曰欲勇者賈余餘勇癸酉師陳于鞏郟夏御齊侯逢丑  
父爲右晉解張御郤克鄭丘緩爲右齊侯曰余姑剪滅  
此而朝食不介馬而馳之郤克傷于矢流血及屨未絕  
鼓音曰余病矣張侯曰自始合而矢貫余手及肘余折  
以御左輪朱殷豈敢言病吾子忍之緩鄭丘曰自始合  
苟有險余必下推車子豈識之然子病矣張侯曰師之  
耳目在吾旗鼓進退從之此車一人殿之可以集事若  
之何其以病敗軍之大事也擐甲執兵固卽死也病未  
及死吾子勉之左并轡右援桴而鼓馬逸不能止師從

之齊師敗績。遂之三周。華不注。山名韓厥夢子輿。厥之父謂

已曰。且辟左右。故中御而從。齊侯郕夏曰。射其御者。君

子也。公曰。謂之君子而射之。非禮也。射其左。越于車下。

射其右。斃于車中。綦母張。晉大夫喪車從韓厥曰。請寓乘。

從左右。皆肘之。使立于後。韓厥俛定其右。逢丑父與公

易位。將及華泉。驂絙于木而止。丑父寢于輶中。蛇出于

其下。以肱擊之。傷而匿之。故不能推車而及。為晉師所及韓

厥執繫馬。前再拜稽首。奉觴加璧以進。曰。寡君使羣臣

為魯衛請。曰。無令輿師陷。入君地。下臣不幸。屬當戎行。

無所逃隱。且懼奔辟而忝兩君。臣辱戎士。敢告不敏。攝  
官承乏。丑父使公下。如華泉取飲。鄭周父御佐車。宛  
爲右。載齊侯。以免。韓厥獻丑父。郤獻子將僇之。呼曰。自  
今無有代其君任患者。有一于此。將爲僇乎。郤子曰。人  
不難以死免其君。我僇之。不祥。赦之以勸事君者。乃免  
之。齊侯免。求丑父。三入三出。每出。齊師以帥退。入于狄  
卒。狄卒皆抽戈楯。冒之以入于衛師。衛師免之。遂自徐  
關入。齊侯見保者。曰。勉之。齊師敗矣。辟女子。女子曰。君  
免乎。曰。免矣。曰。銳司徒免乎。曰。免矣。曰。苟君與吾父免

矣。可若何乃奔齊侯。以爲有禮。旣而問之。辟司徒之妻也。予之石。竈晉師從齊師入自丘輿。擊馬陘。齊侯使賓媚人。佐。賂以紀甌。玉磬與地。不可則聽。客之所爲。賓媚人致賂。晉人不可。曰。必以蕭同叔子爲質。而使齊之封內。盡東其畝。對曰。蕭同叔子。非他寡君之母也。若以匹敵。則亦晉君之母也。吾子布大命于諸侯。而曰。必質其母。以爲信。其若王命何。且是以不孝令也。詩曰。孝子不匱。永錫爾類。若以不孝令于諸侯。其母乃非德類也乎。先王疆理天下。物土之宜。而布其利。故詩曰。我疆我理。



南東其畝。今吾子疆理諸侯。而曰盡東其畝而已。唯吾子戎車是利。無顧土宜。其無乃非先王之命也乎。反先王則不義。何以爲盟主。其晉實有闕。四王之王也。樹德而濟同欲焉。五伯之霸也。勤而撫之。以役王命。今吾子求合諸侯。以逞無疆之欲。詩曰。布政優優。百祿是適。子實不優。而弃百祿。諸侯何害焉。不然。寡君之命。使臣則有辭矣。曰。子以君師辱于敝邑。不腆敝賦。以犒從者。畏君之震。師徒撓敗。吾子惠徼齊國之福。不泯其社稷。使繼舊好。唯是先。君之敝器。土地不敢愛。子又不許。請收。

合。餘。燼。背。城。借。一。敝。邑。之。幸。亦。云。從。也。況。其。不。幸。敢。不。  
唯。命。是。聽。魯。衛。諫。曰。齊。疾。我。矣。其。死。亡。者。皆。親。暱。也。子。  
若。不。許。讎。我。必。甚。唯。子。則。又。何。求。子。得。其。國。寶。我。亦。得。  
地。而。紓。于。難。其。榮。多。矣。齊。晉。亦。唯。天。所。授。豈。必。晉。晉。人。  
許。之。對。曰。羣。臣。帥。賦。輿。以。爲。魯。衛。請。若。苟。有。以。藉。口。而。  
復。于。寡。君。君。之。惠。也。敢。不。唯。命。是。聽。禽。鄭。自。師。逆。公。秋。  
七。月。晉。師。及。齊。國。佐。盟。于。爰。婁。使。齊。人。歸。我。汶。陽。之。田。  
晉。師。歸。范。文。子。後。入。武。子。士。會。也。文。子。之。父。曰。無。爲。吾。望。爾。  
也。乎。對。曰。師。有。功。國。人。喜。以。逆。之。先。入。必。屬。耳。目。焉。是。

秋七月齊侯  
使國佐如師  
已酉及國佐  
盟于袁婁

代帥受名也。故不敢。武子曰：吾知免矣。郤伯郤克見公曰子之力也。夫對曰：君之訓也。二三子之力也。臣何力之有焉。范叔范文子見勞之如郤伯。對曰：庚辰庚辰所命也。克之制也。變何力之有焉。欒伯見公亦如之。對曰：變之詔也。士用命也。書何力之有焉。

公羊子曰：君不使乎大夫。此其行使乎大夫何。佚獲也。其佚獲奈何。師還環同齊侯。晉郤克投戟逡巡再拜。稽首馬前。逢丑父者。頃公之車右也。面目與頃公相似。衣服與頃公相似。代頃公當左使。頃公取飲。頃公

操飲而至曰。華取清者。頃公用是。佚而不反。逢丑父  
曰。吾賴社稷之神靈。吾君已免矣。郤克曰。欺三軍者。  
其法奈何。曰。法斮。于是斮逢丑父。己酉。及齊國佐盟。  
于袁婁。曷爲不盟于師。而盟于袁婁。前此者。晉郤克  
與臧孫許同時而聘于齊。蕭同姪子者。齊君之母也。  
踊于楮而窺客。則客或跛。或眇。于是使跛者迂。跛者  
使眇者迂。眇者大夫出相與。踦閭而語。移日然後去。  
齊人皆曰。患之起。必自此始。二大夫歸。相與率師爲  
鞏之戰。齊師大敗。齊侯使國佐如師。郤克曰。與我紀

侯之。甌反。魯衛之侵地。使耕者東畝。且以蕭同姪子  
爲質。則吾舍子矣。國佐曰。與我紀侯之甌。請諾。反魯  
衛之侵地。請諾。使耕者東畝。是則土齊也。蕭同姪子  
者。齊君之母也。齊君之母猶晉君之母也。不可請戰。  
一戰不勝。請再。再戰不勝。請三。三戰不勝。則齊國盡  
子之有也。何必以蕭同姪子爲質。揖而去之。郤克。朕  
魯衛之使。使以其辭而爲之。請。然後許之。逮于袁婁  
而與之盟。

成公三年。晉人歸楚公子穀臣。與連尹襄老之尸于楚。以求

知罃于是荀首

父知罃

佐中軍矣。故楚人許之王。送知罃。

曰。子其怨我乎。對曰。二國治戎。臣不才。不勝其任。以爲俘馘。執事不以黷鼓。使歸。卽僂君之惠也。臣實不才。又誰敢怨。王曰。然則德我乎。對曰。二國圖其社稷。而求紓其民。各懲其忿。以相宥也。兩釋纍囚。以成其好。二國有好。臣不與及其誰。敢德。王曰。子歸。何以報我。對曰。臣不任受怨。君亦不任受德。無怨無德。不知所報。王曰。雖然。必告不穀。對曰。以君之靈。纍臣得歸。骨于晉。寡君之以爲僂死。且不朽。若從君之惠而免之。以賜君之外臣首。

首其請于寡君而以僇于宗亦死且不朽若不獲命而使嗣宗職次及于事而帥偏師以修封疆雖遇執事其弗敢違其竭力致死無有二心以盡臣禮所以報也王曰晉未可與爭重爲之禮而歸之晉作六軍韓厥趙括輩朔韓穿荀驩趙旃皆爲卿賞鞏之功也齊侯朝于晉將授玉卻克趨進曰此行也君爲婦人之笑辱也寡君未之敢任晉侯享齊侯齊侯視韓厥韓厥曰君知厥也乎齊侯曰服改矣韓厥登舉爵曰臣之不敢愛死爲兩君之在此堂也荀營之在楚也鄭賈人有將寘

諸褚中

也絮中

以出既謀之未行而楚人歸之賈人如晉

荀縈善視之如寔出已賈人曰吾無其功敢有其寔乎

吾小人不可以厚誣君子遂適齊

成公

五年趙嬰通于趙

莊姬

朔妻其姪婦也

春原屏

原同屏季

放逐

諸齊嬰曰我在故樂氏

不作我亡吾二昆其憂哉且人各有能有不能舍我何

害弗聽嬰夢天使謂已祭余余福女使問諸士貞伯貞

伯曰不識也既而告其人曰神福仁而禍淫淫而無罰

福也祭其得亡乎祭之之明日而亡梁山崩晉侯以

傳

傳車

召伯宗伯宗辟重

載重物之車

曰辟傳重人曰待我不



如捷出邪之速也。問其所曰：絳人也。問絳事焉。曰：梁山崩。將召伯宗謀之。問將若之何。曰：山有朽壤而崩。可若何。國主山川。故山崩川竭。君爲之不舉降服。乘縵。徹樂。出次。祝幣。史辭。以禮焉。其如此而已。雖伯宗若之何。伯宗請見之。不可。遂以告而從之。

穀梁子曰：不日何也。高者有崩道也。有崩道則何以書也。曰：梁山崩。壅遏河三日不流。晉君召伯尊而問焉。伯尊來遇輦者。輦者不辟。使車右下而鞭之。輦者曰：所以鞭我者。其取道遠矣。伯尊下車而問焉。曰：子

有聞乎。對曰：梁山崩，壅遏河，三日不流。伯尊曰：君爲此召我也。爲之奈何？輦者曰：天有山，天崩之；天有河，天壅之。雖召伯尊如之何？伯尊由忠問焉。輦者曰：君親素縞，帥羣臣而哭之。旣而祠焉，斯流矣。伯尊至，君問之曰：梁山崩，壅遏河，三日不流，爲之奈何？伯尊曰：君親素縞，帥羣臣而哭之。旣而祠焉，斯流矣。孔子聞之，曰：伯尊，其無續乎？攘善也。

成公六年

晉人謀去故絳

復以新田爲絳故以此爲故

諸大夫皆曰：必居

郇瑕氏之地，沃饒而近鹽

也

國利，君樂不可失也。韓獻

子厥將新中軍且為僕大夫公揖而入獻子從公立于

寢庭獻子曰何如對曰不可郇瑕氏土薄水淺其惡易

觀易觀則民愁民愁則墊隘于是乎有沈溺濕疾重膇足

之疾不如新田土厚水深居之不疾有汾澮以流其惡

垢穢且民從教十世之利也夫山澤林監國之寶也國饒

則民驕佚近寶公室乃貧不可謂樂公說從之樂書

救鄭與楚師遇于繞角楚師還晉師遂侵蔡楚公子申

公子成以申息之師救蔡禦諸桑隧趙同趙括欲戰請

于武子樂武子將許之知莊子荀范文子士韓獻子韓

諫曰不可。吾來救鄭。楚師去我。吾遂至于此。是遷僂也。僂而不已。又怒楚師。戰必不克。雖克不令。成師以出而敗楚之二縣。何榮之有焉。若不能敗爲辱。已甚。不如還也。乃遂還。于是軍帥之欲戰者衆。或謂欒武子曰。聖人與衆同欲。是以濟事。子盍從衆。子爲大政。將酌于民者也。子之佐十一人。其不欲戰者三人而已。欲戰者可謂衆矣。商書曰。三人占。從二人。衆故也。武子曰。善。鈞從衆。夫善衆之主也。三卿爲主。可謂衆矣。從之不亦可乎。

成公八年

趙莊姬爲趙嬰之亡故。譖之于晉侯。曰。原屏將爲

亂樂卻爲徵。六月，晉討趙同、趙括、武從姬氏，畜于公宮，  
以其田與祁奚。韓厥言于晉侯曰：「成季趙衰之勲宣孟趙盾之忠，而無後爲善者其懼矣。三代之令王，皆數百年保  
天之祿。夫豈無辟王？賴前哲以免也。周書曰：「不敢侮鰥寡。」所以明德也。乃立武而反其田焉。晉侯使申公巫  
臣如吳，假道于莒，與渠丘公立于池上，曰：「城已惡，莒子  
曰：『辟陋在夷，其孰以我爲虞？』」對曰：「夫狡焉思啓封疆以  
利社稷者，何國蔑有？唯然故多大國矣。唯或思或縱也。  
勇夫重閉，況國乎？」

成公九年

晉侯觀于軍府，見鍾儀，問之。

曰南冠而縶者誰也。有司對曰：鄭人所獻楚囚也。使稅之。召而弔之。再拜稽首。問其族。對曰：伶人也。公曰：能樂乎？對曰：先父之職官也。敢有二事。使與之琴。操南音。公曰：君王何如？對曰：非小人所得知也。固問之。對曰：其爲犬子也。師保奉之以朝于嬰齊。重子而夕于側反子也不知其他。公語范文子。文子曰：楚囚君子也。言稱先職。不背本也。樂操土風。不忘舊也。稱犬子。抑無私也。名其二卿尊君也。不背本仁也。不忘舊信也。無私忠也。尊君敏也。仁以接事。信以守之。忠以成之。敏以行之。事雖大必

濟君盍歸之使合晉楚之成。公從之。重爲之禮。使歸求

成。

成公十年

晉侯夢大厲。

鬼也

被髮及地。搏膺而踊。曰。殺余

孫不義。

八年殺趙同趙括

余得請于帝矣。壞大門及寢門而入。

公懼。入于室。又壞戶。公覺。召桑田巫。巫言如夢。公曰。何

如。曰。不食新矣。

新夢不及食

公疾病。求醫于秦。秦伯使醫緩

爲之。未至。公夢疾爲二豎。子曰。彼良醫也。懼傷我焉。逃

之。其一曰。居肅之上。

肅之上

膏之下。

心之下

若我何。醫至曰。

疾不可爲也。在肅之上。膏之下。攻之不可。達之不及。藥

不至焉。不可爲也。公曰。良醫也。厚爲之禮而歸之。六月

丙午晉侯欲麥使甸人獻麥饋人爲之召桑田巫示而殺之將食張如廁陷而卒小臣有晨夢負公以登天及日中負晉侯出諸廁遂以爲殉

左氏條貫卷十二

男官賀校字



左氏條貫卷十三

長洲曹 基德培編次

門人張

兼念凌  
典懷鞠 叅訂

晉

成公十  
二年、  
郤至如楚聘、且涖盟、楚子享之、子反相、爲地室、  
而縣焉、郤至將登金奏、擊鐘奏樂作于下、驚而走出、子反曰、  
日云莫矣、寡君須矣、吾子其入也、賓至郤曰、君不忘先君  
之好、施及下臣、貺之以大禮、重之以備樂、如天之福、兩  
君相見、何以代此、下臣不敢、子反曰、如天之福、兩君相  
見、無亦唯是一矢以相加遺焉、用樂寡君須矣、吾子其

入也。賓曰：若讓之以一矢，禍之大者，其何福之爲？世之治也，諸侯問于天子之事，則相朝也；于是乎有享宴之禮，享以訓，共儉，宴以示慈惠，共儉以行禮，而慈惠以布政。政以禮成，民是以息，百官承事，朝而不夕。此公侯之所以扞城其民也。故詩曰：赳赳武夫，公侯干城。及其亂也，諸侯貪冒，侵欲不息，爭尋常以盡其民，略其武夫，以爲已腹心股肱爪牙。故詩曰：赳赳武夫，公侯腹心。天下有道，則公侯能爲民干城而制其腹心；亂則反之。今吾子之言亂之道也，不可以爲法。然吾子主也，至敢不從。

遂入卒事。歸以語范文子。文子曰：「無禮必食言。吾死無

日矣夫。」

成公十三年

晉侯使呂相絕秦曰：「昔逮我獻公及

穆公相好，僂力同心，申之以盟誓，重之以昏姻。天禍晉國，文公如齊，惠公如秦，無祿，獻公卽世。穆公不忘舊德，俾我惠公用能奉祀于晉。又不能成大勲，而爲韓之師。亦悔于厥心，用集我文公。是穆之成也。文公躬擐甲冑，跋履山川，踰越險阻，征東之諸侯，虞夏商周之胤而朝諸秦，則亦旣報舊德矣。鄭人怒君之疆場，我文公帥諸侯及秦圍鄭。秦大夫不詢于我寡君，擅及鄭盟。諸侯疾

之將致命于秦。文公恐懼。綏靜諸侯。秦師克還無害。則  
是我有大造于西也。無祿。文公卽世。穆爲不弔。蔑死我  
君。寡我襄公。迭我殽地。奸絕我好。伐我保城。殄滅我費。  
滑。散離我兄弟。撓亂我同盟。傾覆我國家。我襄公未忘  
君之舊勲。而懼社稷之隕。是以有殽之師。猶願赦罪于  
穆公。穆公弗聽。而卽楚謀我。天誘其衷。成王隕命。穆公  
是以不克逞志于我。穆襄卽世。康靈卽位。康公我之自  
出。又欲闕翦我公室。傾覆我社稷。帥我蝥賊。以來蕩搖  
我邊疆。我是以有令狐之役。康猶不悛。入我河曲。伐我。

涑川俘我王官。翦我羈馬。我是以有河曲之戰。東道之  
不通。則是康公絕我好也。及君之嗣也。我君景公引領  
西望曰。庶撫我乎。君亦不惠稱盟。利吾有狄難。入我河  
縣。焚我箕郛。芟夷我農功。虔劉我邊垂。我是以有輔氏  
之聚。君亦悔禍之延。而欲徼福于先君。獻穆使伯車來  
命我景公曰。吾與女同好。棄惡。復修舊德。以追念前勲。  
言誓未就。景公卽世。我寡君是以有令狐之會。君又不  
祥。背弃盟誓。白狄及君同州。君之仇讎。而我之昏姻也。  
君來賜命曰。吾與女伐狄。寡君不敢顧昏姻。畏君之威。

而受命于吏。君有二心于狄。曰。晉將伐汝。狄應且憎。是用告我。楚人惡君之二三其德也。亦來告我。曰。秦背令狐之盟。而來求盟于我。昭告昊天上帝。秦三公。康穆共楚三王。成穆莊曰。余雖與晉出入。余唯利是視。不穀惡其無成德。是用宣之以懲不壹。諸侯備聞此言。斯是用痛心疾首。暱就寡人。寡人帥以聽命。唯好是求。君若惠顧諸侯。矜哀寡人。而賜之盟。則寡人之願也。其承寧諸侯以退。豈敢徼亂。君若不施大惠。寡人不佞。其不能以諸侯退矣。敢盡布之執事。俾執事實圖利之。

成公十五年  
晉三

六月甲午晦  
晉侯及楚子  
鄭伯戰于郟  
陵楚子鄭師  
敗績

郤

郤錡郤至郤犇

害伯宗譖而殺之及欒弗忌伯州犂

伯宗子

奔

楚韓獻子曰郤氏其不免乎善人天地之紀也而驟絕

之不亡何待初伯宗每朝其妻必戒之曰盜憎主人民

惡其上子好直言必及于難

成公十六年

衛侯伐鄭至于

鳴鴈爲晉故也晉侯將伐鄭范文子曰若逞吾願諸侯

皆叛晉可以逞若唯鄭叛晉國之憂可立俟也欒武子

曰不可以當吾世而失諸侯必伐鄭乃興師欒書將中

軍士變佐之郤錡將上軍荀偃佐之韓厥將下軍郤至

佐新軍荀罃居守郤犇如衛遂如齊皆乞師焉欒黶來

乞師孟獻子曰有勝矣戊寅晉師起鄭人聞有晉師使告于楚姚句耳與往楚子救鄭司馬子反將中軍令尹子重將左右尹子辛將右過申子反入見申叔時曰師其何如對曰德刑詳義禮信戰之器也德以施惠刑以正邪詳以事神義以建利禮以順時信以守物民生厚而德正用利而事節時順而物成上下和睦周旋不逆求無不具各知其極故詩曰立我烝民莫匪爾極是以神降之福時無災害民生敦龐和同以聽莫不盡力以從上命致死以補其闕此戰之所由克也今楚內弃其民而



外絕其好。潰齊盟而食話言。奸時以動。而疲民以逞。民不知信。進退罪也。人恤所底。其誰致死。子其勉之。吾不復見子矣。姚句耳先歸。子駟問焉。對曰。其行速過險而不整。速則失志。不整喪列。志失列喪。將何以戰。楚懼不可用也。五月。晉師濟河。聞楚師將至。范文子欲反。曰。我僞逃楚。可以紓憂。夫合諸侯。非吾所能也。以遺能者。我若羣臣輯睦。以事君多矣。武子曰。不可。六月。晉楚遇于鄢陵。范文子不欲戰。卻至曰。韓之戰。惠公不振旅。箕之役。先軫不反命。邲之師。荀伯不復從。皆晉之恥也。子亦

見先君之事矣。今我辟楚。又益恥也。文子曰。吾先君之  
亟戰也。有故。秦狄齊楚皆強。不盡力。子孫將弱。今三強  
服矣。敵楚而已。唯聖人能外內無患。自非聖人。外寧必  
有內憂。盍釋楚以爲外懼乎。甲午晦。楚晨壓晉軍而陳。  
軍吏患之。范匄子士變趨進曰。塞井夷竈。陳于軍中而疏  
行首。晉楚唯天所授。何患焉。文子執戈逐之曰。國之存  
亡。天也。童子何知焉。欒書曰。楚師輕窵。固壘而待之。三  
日必退。退而擊之。必獲勝焉。卻至曰。楚有六間。不可失  
也。其二。卿相惡。王卒以舊。鄭陳而不整。蠻軍而不陳。陳

不違晦在陳而囂合而加囂。各顧其後。莫有鬪心。舊不  
必良。以犯天忌。我必克之。楚子登巢車以望晉軍。子重  
使大宰伯州犂侍于王。後王曰。騁而左右。何也。曰。召軍  
吏也。皆聚于中軍矣。曰。合謀也。張幕矣。曰。虔卜于先君  
也。徹幕矣。曰。將發命也。甚囂且塵上矣。曰。將塞井夷竈  
而爲行也。皆乘矣。左右執兵而下矣。曰。聽誓也。戰乎。曰。  
未可知也。乘而左右皆下矣。曰。戰禱也。伯州犂以公卒  
晉之。告王。苗賁皇在晉侯之側。亦以王卒告。皆曰。國士  
在。且厚。不可當也。苗賁皇言于晉侯曰。楚之良在其中。

軍王族而已。請分良以擊其左右。而三軍萃于王卒。必大敗之。公筮之。史曰。吉。其卦遇復。曰。南國蹙。射其元王。中厥目。國蹙王傷。不敗何待。公從之。有淖于前。乃皆左右相違于淖。步毅御晉厲公。欒鍼爲右。彭名御楚共王。潘黨爲右。石首御鄭成公。唐苟爲右。欒范以其族夾公行。陷于淖。欒書將載晉侯。鍼曰。書退。國有大任焉。得專之。且侵官冒也。失官慢也。離局姦也。有三罪焉。不可犯也。乃掀公以出于淖。癸巳。潘尫之黨與養由基躡甲而射之。徹七札焉。以示王曰。君有二臣如此。何憂于戰。三

怒曰大辱國。詰朝爾射死。藝呂錡夢射月中之退。入于泥。占之曰。姬姓日也。異姓月也。必楚王也。射而中之退。入于泥。亦必死矣。及戰。射共王中目。王召養由基與之。兩矢使射。呂錡中項。伏弋以一矢復命。卻至三遇楚子之卒。見楚子必下。免胄而趨風。楚子使工尹襄問也。遺之以弓曰。方事之殷也。有韎韐之跗注。君子也。識見不穀而趨。無乃傷乎。卻至見客。免胄承命曰。君之外臣至。從寡君之戎。事以君之靈。間蒙甲冑。不敢拜命。敢告不寧。君命之辱。爲事之故。敢肅使者。三肅使者而退。晉韓厥

從也。鄭伯其御杜溷羅曰：速從之。其御屢顧，不在馬。可

及也。韓厥曰：不可以再辱國君。二年韋戰厥已辱齊侯乃止。郤至

從鄭伯，其右蒍翰胡曰：謀輅迎而距之。余從之，乘而俘以

下。郤至曰：傷國君有刑，亦止。石首曰：衛懿公唯不去其

旗，是以敗于熒。乃內旌于殲中。唐荀謂石首曰：子在君

側，敗者壹大。我不如子。子以君免，我請止。乃死。楚師薄

于險。叔山冉謂養由基曰：雖君有命，爲國故，子必射。乃

射，再發，盡殪。叔山冉搏人以投中車，折軾。晉師乃止。囚

楚公子穀，欒鍼見子重之旌，請曰：楚人謂夫旌，子重之

麾也。彼其子重也。日臣之使于楚也。子重問晉國之勇。臣對曰。好以衆整。曰。又何如。臣對曰。好以服今。兩國治戎。行人不使。不可謂整。臨事而食言。不可謂服。請攝飲焉。公許之。使行人執榼承飲。造于子重。曰。寡君之使。使鍼御持矛。是以不得犒從者。使某攝飲。子重曰。夫子嘗與吾言于楚。必是故也。不亦識乎。受而飲之。免使者而復鼓。旦而戰。見星未已。子反命軍吏察夷傷。補卒乘繕甲兵。展車馬。雞鳴而食。唯命是聽。晉人患之。苗賁皇徇曰。蒐乘補卒。秣馬利兵。修陳固列。蓐食申禱。明日復戰。

乃逸。楚囚王聞之，召子反謀穀陽。豎獻飲于子反，子反醉而不能見。王曰：「天敗楚也。」夫余不可以待，乃宵遁。晉入楚軍三日，穀范文子立于戎馬之前，曰：「君幼，諸臣不佞，何以及此？」君其戒之。周書曰：「惟命不于常。」有德之謂楚師。還及瑕，王使謂子反曰：「先大夫之覆師，徒者君不在，子無以爲過，不穀之罪也。」子反再拜稽首曰：「君賜臣死死且不朽，臣之卒實奔，臣之罪也。」子重使謂子反曰：「初，隕師徒者而亦聞之矣。」盍圖之。對曰：「雖微先大夫有之，大夫命側，側敢不義。側亡君師，敢忘其死。」王使止之。



弗及而卒。晉侯使郤至獻楚捷于周，與單襄公語，驟

稱其伐。單子語諸大夫曰：「溫季，即郤至其亡乎？位于七人

之下，而求掩其上，怨之所聚，亂之本也。多怨而階亂，何

以在位？」夏書曰：「怨豈在明？不見是圖。」將慎其細也。今而

明之，其可乎？成公十七年范文子反自鄢陵，使其祝宗祈

死，曰：「君驕侈而克敵，是天益其疾也。難將作矣。愛我者

唯祝我，使我速死，無及于難。范氏之福也。」六月戊辰，士

變卒。晉厲公侈多外嬖，反自鄢陵，欲盡去羣大夫，而

立其左右胥童以胥克之廢也。怨郤氏而嬖于厲公，郤

錡奪夷陽五田五亦嬖于厲公。郤犇與長魚矯爭田，執而梏之，與其父母妻子同一轅。旣矯，亦嬖于厲公。欒書怨郤至，以其不從已而敗楚師也，欲廢之，使楚公子伐。告公曰：「此戰也，郤至實召寡君以東師之未至也。」與軍帥之不具也。曰：「此必敗。」吾因奉孫周悼公以事君。公告欒書，書曰：「其有焉。」不然，豈其死之不恤而受敵使乎？君盍嘗使之周而察之。郤至聘于周，欒書使孫周見之。公使覘之，信。遂怨郤至。厲公田，與婦人先殺而飲酒，後使大夫殺郤至。奉豕寺人孟張奪之。郤至射而殺之。公曰：「季。」

子欺余。厲公將作難。胥童曰：「必先三郤。族大多怨，去大族，不偪敵，多怨有庸。」公曰：「然。」郤氏聞之，郤錡欲攻公，曰：「雖死，君必危。」郤至曰：「人所以立信，知勇也；信不叛，君知不害民，勇不作亂，失茲三者，其誰與我死而多怨？將安用之？君實有臣而殺之，其謂君何？我之有罪，吾死後矣。」若殺不辜，將失其民，欲安得乎？待命而已。受君之祿，是以聚黨有黨而爭命，罪孰大焉？壬午，胥童夷羊五帥甲八百將攻郤氏。長魚矯請無用衆，公使清沸魋助之，抽戈結衽而僞訟者三。郤將謀于榭，矯以戈殺駒伯。郤若錡苦

成叔

郤

于其位。溫季

郤

曰：逃威也。

遂趨矯及諸其車，以

戈殺之。皆尸諸朝。胥童以甲劫樂書中行，偃于朝。矯曰：

不殺二子，憂必及君。公曰：一朝而尸三卿，余不忍益也。

對曰：人將忍君。臣聞亂在外為姦，在內為軌。御姦以德，

御軌以刑。不施而殺，不可謂德。臣偏而不討，不可謂刑。

德刑不立，姦軌並至。臣請行，遂出奔狄。公使辭于二子

書與

曰：寡人有討于郤氏。郤氏既伏其辜矣，大夫無辱。

其復職位，皆再拜稽首曰：君討有罪而免臣于死，君之

惠也。二臣雖死，敢忘君德。乃皆歸。公使胥童為卿，公游

于匠麗氏。樂書中行偃遂執公焉。召士句。士句辭。召韓厥。韓厥辭曰。昔吾畜于趙氏。孟姬之讒。吾能違兵。古人有言曰。殺老牛莫之敢尸。而況君乎。二三子不能事君焉。用厥也。閏月。樂書中行偃殺胥童。民不與卻氏胥童道。君爲亂。故皆書曰。晉殺其大夫。成公十八年晉樂書中行偃使程滑弑厲公。葬之于翼東門之外。以車一乘。使荀息士魴逆周子。悼公于京師而立之。生十四年矣。大夫逆于清原。周子曰。狐始願不及此。雖及此。豈非天乎。抑人之求君。使出命也。立而不從。將安用君。二三子

用我今日否亦今日共而從君神之所福也對曰羣臣  
之願也敢不唯命是聽庚午盟而入館于伯子同氏辛  
巳朝于武宮遂不臣者七人始命百官施舍已責逮鰥  
寡振廢滯匡乏困救災患禁淫慝薄賦斂宥罪戾節器  
用時用民欲無犯時使魏相士魴魏頡趙武爲卿荀家  
荀會樂厲韓無忌爲公族大夫使訓卿之子弟共儉孝  
弟使士渥濁爲大傅使修范武子之法右行辛爲司空  
使修士蒍之法并糾御戎校正屬焉使訓諸御知義荀  
賓爲右司士屬焉使訓勇力之士時使卿無共御立軍

尉以攝之。祁奚爲中軍尉。羊舌職佐之。魏絳爲司馬。張老爲候奄。鐸遏寇爲上軍尉。籍偃爲之司馬。使訓卒。乘親以聽命。程鄭爲乘馬御。六駟屬焉。使訓羣駟。知禮。凡六官之長皆民譽也。舉不失職。官不易方。爵不踰德。師不陵正。旅不偪師。民無謗言。所以復霸也。

襄公三年祁奚

請老。晉侯問嗣焉。稱解狐。其讎也。將立之。而卒。又問焉。對曰。午。祁奚也可。于是羊舌職死矣。晉侯曰。孰可以代之。對曰。赤也。伯華。于是使祁午爲中軍尉。羊舌赤佐之。君子謂祁奚于是能舉善矣。稱其讎。不爲諂。立其

子不爲比舉其偏。不爲黨。商書曰。無偏無黨。王道蕩蕩。其祁奚之謂矣。解狐得舉。祁午得位。伯華得官。建一官而三物成。得舉得位得官能舉善也。夫唯善故能舉其類。詩云。惟其有之。是以似之。祁奚有焉。晉侯之弟楊干亂行。陳于曲梁。魏絳僇其僕。晉侯怒。謂羊舌赤曰。合諸侯以爲榮也。揚干爲僇。何辱如之。必殺魏絳。無失也。對曰。絳無貳志。事君不辟難。有罪不逃刑。其將來辭。何辱命焉。言終。魏絳至。授僕人書。將伏劍。士魴張老止之。公讀其書曰。日君之使。使臣斯司馬。臣聞師衆以順爲武。軍事



有死無犯爲敬。君合諸侯，臣敢不敬。君師不武，執事不敬，罪莫大焉。臣懼其死，以及楊干，無所逃罪，不能致訓。至于用鉞，臣之罪重，敢有不從，以怒君心，請歸死于司寇。公跣而出，曰：寡人之言親愛也，吾子之討軍禮也。寡人有弟，弗能教訓，使于大命，寡人之過也。子無重寡人之過，敢以爲請。晉侯以魏絳爲能以刑佐民矣。

襄公四年

無終子嘉父使孟樂如晉，因魏莊子

魏絳

納虎豹之皮以

請和。諸戎晉侯曰：戎狄無親而貪，不如伐之。魏絳曰：諸侯新服，陳新來和，將觀于我。我德則睦，否則攜貳，勞師

于我而楚伐陳必弗能救是弃陳也諸華必叛戎禽獸也獲戎失華無乃不可乎夏訓有之曰有窮后羿公曰

后羿何如對曰昔有夏之方衰也后羿自鉏遷于窮石

因夏民以代夏政篡夏后相而自立恃其射也不修民事而淫

于原獸弃武羅伯因熊髡龙圉而用寒浞寒浞伯明氏

之讒子弟也伯明后寒弃之夷夷羿之氏羿收之信而使之

以爲己相浞行媚于內而施賂于外愚弄其民而虞羿

于田獵樹之詐慝以取其國家外內咸服羿猶不悛將

歸自田家衆羿之家衆殺而亨之以食其子羿之子其子不忍

食諸死于窮門靡夏臣事羿者奔有鬲氏浞因羿室羿妻生澆

及豷恃其讒慝詐偽而不德于民使澆用師滅斟灌及

斟尋氏二國夏同姓后相依之處澆于過處豷于戈靡自有鬲氏

收二國斟灌斟尋之燼以滅浞而立少康相之子少康滅澆于

過后杼少康子滅豷于戈有窮由是遂亡失人故也昔周

辛甲之爲大史也命百官官箴王闕于虞人之箴曰芒

芒禹跡畫爲九州經啓九道九州之道民有寢寢室廟廟祀獸有

茂草各有攸處德用不擾在帝夷羿冒于原獸忘其國

恤而思其麀牡武不可重用不恢于夏家獸臣思原敢

告僕夫虞箴如是可不懲乎。于是晉侯好田。故魏絳及之。公曰。然則莫如和戎乎。對曰。和戎有五利焉。戎狄荐居。貴貨易土。土可賈焉。一也。邊鄙不聳。民狎其野。穡人成功。二也。戎狄事晉。四鄰震動。諸侯威懷。三也。以德綏戎。師徒不勤。甲兵不頓。壞也四也。鑒于后羿。而用德度。遠至邇安。五也。君其圖之。公說。使魏絳盟諸戎。修民事。田以時。襄公九年晉人不得志于鄭。以諸侯復伐之。十二月癸亥。門其三門。閏月戊寅。濟于陰阪。侵鄭。次于陰口。而還。子孔曰。晉師可擊也。師老而勞。且有歸志。必大克之。

子展曰不可。晉侯歸謀所以息民，魏絳請施舍，輸積

聚以貸，自公以下，苟有積者，盡出之。國無滯積，亦無困

人。公無禁利，亦無貪民，所以幣更以幣賔以特牲器用

不作，車服從給，行之期年，國乃有節。三駕而楚不能與

爭。三駕謂十年師于牛首，十一年師于向，其秋觀兵于鄭東門，自是鄭遂服。襄公諸侯伐

鄭，齊崔杼使太子光先至于師，故長于滕。己酉，師于牛

首。諸侯之師城虎牢而戍之。晉師城梧及制，士魴魏

絳戍之。書曰：「戍鄭虎牢，非鄭地也。」言將歸焉。鄭及晉平

虎牢為鄭之要津，楚侵中國之門戶，晉城之以扼其要害，鄭服而楚亦不得爭強于上國矣。晉荀

偃士句請伐偃陽而封宋向戌焉荀罃曰城小而固勝

之不武弗勝為笑固請內寅圍之弗克孟氏之臣秦董

父輦重如役偃陽人啓門諸侯之士門焉縣門發發縣門以

開攻城之士耶人紇耶邑大夫叔梁紇扶之以出門者狄虎彌魯人建

大車之輪而蒙之以甲以為櫓大櫓左執之右拔戟以成

一隊孟獻子曰詩所謂有力如虎者也主人偃陽縣人布

董父登之緣布登城及堞而絕之隊則又縣之蘇而復上者

三主人辭焉不復乃退帶其斷以徇于軍三日諸侯之

師久于偃陽荀偃士句請于荀罃曰水潦將降懼不能

歸請班師。知伯怒，投之以機，出于其間。出匣句曰：女成

二事

伐偏陽封向戌

而後告余。余恐亂命，以不女。達女既勤，君

而興諸侯牽帥老夫，以至于此。既無武守，而又欲易余罪，曰：是實班師不然，克矣。余羸老也，可重任乎？七日不克，必爾乎取之。五月庚寅，荀偃帥卒攻偏陽，親受矢石。甲午，滅之。書曰：遂滅偏陽，言自會也。以與向戌，向戌辭曰：君若猶辱鎮撫宋國，而以偏陽光啓寡君，羣臣安矣。其何貺如之？若專賜臣，是臣興諸侯以自封也。其何罪大焉？敢以死請。乃予宋公、宋公享晉侯于楚丘，請

以桑林

殷天子樂

荀偃士句曰諸侯宋魯于是觀禮

魯有禘樂賓祭用之宋以桑林享君不亦可乎舞師題

以旌夏

大旌

晉侯懼而退入于房去旌卒享而還及著雍

疾卜桑林見荀偃士句欲奔請禱焉

禱于宋

荀偃不可曰

我辭禮矣彼則以之猶有鬼神于彼加之晉侯有間以

偃陽子歸獻于武宮謂之夷俘偃陽妘姓也使周內史

選其續嗣納諸霍人禮也師歸孟獻子以秦堇父爲右

生秦丕茲事仲尼

襄公十一年

鄭人賂晉侯以師慳師觸

師蠲廣車輶車淳

耦也

十五乘甲兵備凡兵車百乘歌鐘



二肆

縣鐘十六  
爲一肆

及其鑄磬女樂二八晉侯以樂之半賜

魏絳曰子教寡人和諸戎狄以正諸華八年之中九合諸侯如樂之和無所不諧請與子樂之辭曰夫和戎狄國之福也八年之中九合諸侯諸侯無憾君之靈也二三子之勞也臣何力之有焉抑臣願君安其樂而思其終也詩曰樂只君子殿天子之邦樂只君子福祿攸同便蕃左右亦是帥從夫樂以安德義以處之禮以行之信以守之仁以厲之而後可以殿邦國同福祿來遠人所謂樂也書曰居安思危思則有備有備無患敢以此

規公曰。子之教。敢不承命。抑微子寡人無以待戎。不能  
濟河。夫賞國之典也。藏在盟府。不可廢也。子其受之。魏  
絳于是乎始有金石之樂禮也。襄公十三年晉侯蒐于縣  
上以治兵。使士句將中軍。辭曰。伯游荀偃長。昔臣習于知  
伯。是以佐之。非能賢也。請從伯游。荀偃將中軍。士句佐  
之。使韓起將上軍。辭以趙武。又使欒黶辭曰。臣不如韓  
起。韓起願上趙武。君其聽之。使趙武將上軍。韓起佐之。  
欒黶將下軍。魏絳佐之。新軍無帥。晉侯難其人。使其什  
吏率其卒。乘官屬以從于下軍。禮也。晉國之民是以大

和諸侯。遂睦。君子曰。讓禮之主也。范宣子讓其下。皆讓。樂。屬。爲。汰。弗。敢。違。也。晉國以平。數世賴之。刑善也。夫一人刑善。百姓休和。可不務乎。書曰。一人有慶。兆民賴之。其寧惟永。其是之謂乎。周之興也。其詩曰。儀刑文王。萬邦作孚。言刑善也。及其衰也。其詩曰。大夫不均。我從事獨賢。言不讓也。世之治也。君子尚能而讓其下。小人農力以事其上。是以上下有禮。而讒慝黜遠。由不爭也。謂之懿德。及其亂也。君子稱其功。以加小人。小人伐其技。以馮君子。是以上下無禮。亂虐並生。由爭善也。謂之昏。

德國家之敝恒必由之。

襄公十四年春吳告敗于晉前年

所會于向爲吳謀楚故也。范宣子數吳之不德也。以退。

吳人執莒公子務婁以其通楚使也。將執戎子駒支。范

宣子親數諸朝曰。來姜戎氏。昔秦人迫逐乃祖吾離于

瓜州。乃祖吾離被苫蓋蒙荆棘。以來歸我先君。我先君

惠公有不腆之田。與女剖分而食之。今諸侯之事我寡

君。不如昔者。蓋言語漏泄。則職女之由。詰朝之事。爾無

與焉。與將執女。對曰。昔秦人負恃其衆。貪于土地。逐我

諸戎。惠公蠲其大德。謂我諸戎是四嶽之裔胄也。毋是

翦。弃。賜。我。南。鄙。之。田。狐。狸。所。居。豺。狼。所。嗥。我。諸。戎。除。翦。  
其。荆。棘。驅。其。狐。狸。豺。狼。以。爲。先。君。不。侵。不。叛。之。臣。至。于。  
今。不。貳。昔。文。公。與。秦。伐。鄭。秦。人。竊。與。鄭。盟。而。舍。戍。焉。于。  
是。乎。有。殺。之。師。晉。禦。其。上。戎。亢。其。下。秦。師。不。復。我。諸。戎。  
實。然。譬。如。捕。鹿。晉。人。角。之。諸。戎。掎。之。與。晉。踣。之。戎。何。以。  
不。免。自。是。以。來。晉。之。百。役。與。我。諸。戎。相。繼。于。時。以。從。執。  
政。猶。殺。志。也。豈。敢。離。邊。今。官。之。師。旅。無。乃。實。有。所。闕。以。  
攜。諸。侯。而。罪。我。諸。戎。我。諸。戎。飲。食。衣。服。不。與。華。同。贄。幣。  
不。通。言。語。不。達。何。惡。之。能。爲。不。與。于。會。亦。無。曹。焉。賦。青。

蠅而退

取無信  
讒言

宣子辭焉使即事于會成愷悌也夏

諸侯之大夫從晉侯伐秦以報櫟之役也晉侯待于竟

使六卿帥諸侯之師以進及涇不濟叔向見叔孫穆子

穆子賦匏有苦葉

見志在必濟

叔向退而具舟魯人莒人先

濟鄭子蟜見衛北宮懿子曰與人而不固取惡莫甚焉

若社稷何懿子說二子見諸侯之師而勸之濟濟涇而

次秦人毒涇上流師人多死鄭司馬子蟜帥鄭師以進

師皆從之至于棫林不獲成焉

秦不服

荀偃令曰雞鳴而

駕塞井夷竈唯余馬首是瞻欒黶曰晉國之命未是有

也。余馬首欲東，乃歸下軍從之。左史謂魏莊子曰：「不待

中行伯荀偃乎？」莊子曰：「夫子指命從帥，欒伯吾帥也。吾將

從之。從帥所以待夫子也。伯游曰：「吾令實過，悔之何及。

多遺秦禽，乃命大還。晉人謂之遷延之役。欒鍼釐曰：「此

役也。報櫟之敗也。役又無功，晉之恥也。吾有二位指櫟

軍鍼為戎右于戎路，敢不恥乎？與士鞅士句馳秦師，死焉。士

鞅反，欒黶謂士句曰：「余弟不欲往，而子召之。余弟死而

子來，是而子殺余之弟也。弗逐，余亦將殺之。」士鞅奔秦。

秦伯問于士鞅曰：「晉大夫其誰先亡？」對曰：「其欒氏乎。秦

伯曰以其汰乎對曰然樂厲汰虐已甚猶可以免其在

盈子顯之

乎秦伯曰何故對曰武子

書歷父

之德在民如周

人之思召公焉愛其甘棠況其子乎樂厲死盈之善未

能及人武子所施沒矣而厲之怨實章將于是乎在秦

伯以爲知言爲之請于晉而復之師曠侍于晉侯晉

侯曰衛人出其君

是年獻公奔齊

不亦甚乎對曰或者其君實

甚良君將賞善而刑淫養民如子蓋之如天容之如地

民奉其君愛之如父母仰之如日月敬之如神明畏之

如雷霆其可出乎夫君神之主而民之望也若困民之



主。置神乏祀。百姓絕望。社稷無主。將安用之。弗去何爲。  
天生民而立之君。使司牧之。勿使失性。有君而爲之貳。  
使師保之。勿使過度。是故天子有公。諸侯有卿。卿置側  
室。支子大夫有貳宗。宗子之副貳士有朋友。庶人工商阜隸牧  
圉。皆有親暱。以相輔佐也。善則賞之。過則匡之。患則救  
之。失則革之。自王以下。各有父子兄弟。以補察其政。史  
爲書。瞽爲詩。工誦箴諫。大夫規誨。士傳言。庶人謗。商旅  
于市。百工獻藝。故夏書曰。道人以木鐸徇于路。官師相  
規。工執藝事以諫。正月孟冬。于是乎有之。諫失常也。天

左氏傳卷十三  
之愛民甚矣。豈其使一人肆于民上。以從其淫。而弃天  
地之性。必不然矣。

左氏條貫卷十三

男官賀校字